

ODLUKU**O DAVANJU SAGLASNOSTI NA STATUT
AGENCIJE ZA UNAPREĐENJE INOSTRANIH
INVESTICIJA U BOSNI I HERCEGOVINI****I**

Daje sa saglasnost na Statut Agencije za unapređenje inostranih investicija u Bosni i Hercegovini, koji je razmatran na 60. sastanku Vijeća ministara Bosne i Hercegovine održanom 24. septembra 1998. godine.

II

Ova odluka postaje pravosnažna danom potpisivanja.

III

Odluku objaviti u "Službenom glasniku BiH" i službenim glasilima entiteta.

V.M. 59/98

24. septembra 1998. godine

Sarajevo

Kopredsjednik
dr **Haris Silajdžić**, s. r.

Kopredsjednik
Boro Bosić, s. r.

Dopredsjednik
Neven Tomić, s. r.

113

Na osnovu čl. 16. i 20 Zakona o Vijeću ministara Bosne i Hercegovine i ministarstvima Bosne i Hercegovine ("Službeni glasnik BiH", broj 4/97), tačke IX stava 1. Odluke o osnivanju Agencije za unapređenje inostranih investicija u Bosni i Hercegovini ("Službeni glasnik BiH", broj 16/98), Vijeće ministara Bosne i Hercegovine na 60. sastanku održanom 24. septembra 1998. godine, donijelo je

ODLUKU**O IMENOVANJU PREDSEDNIKA,
ZAMJENIKA PREDSEDNIKA I ČLANOVA
UPRAVNOG ODBORA AGENCIJE ZA
UNAPREĐENJE INOSTRANIH INVESTICIJA
U BOSNI I HERCEGOVINI****I**

U Upravni odbor Agencije za unapređenje inostranih investicija u Bosni i Hercegovini, imenuju se:

1. GAVRO BOGIĆ, predsjednik Upravnog odbora
2. DRAGAN MARJANOVIĆ, zamjenik predsjednika
3. SAMIR MUŠOVIĆ, zamjenik predsjednika
4. IGOR DAVIDOVIĆ, član
5. JOZO BAKALAR, član
6. SEADETA CERIĆ, član.

II

Ova odluka postaje pravosnažna danom potpisivanja.

III

Odluku objaviti u "Službenom glasniku BiH" i službenim glasilima entiteta.

V.M. broj 60/98

24. septembra 1998. godine

Sarajevo

Kopredsjednik
dr **Haris Silajdžić**, s. r.

Kopredsjednik
Boro Bosić, s. r.

Dopredsjednik
Neven Tomić, s. r.

114

Na osnovu člana 22. stav 2. Zakona o vanjskotrgovinskoj politici ("Službeni glasnik BiH", broj 7/98) i čl. 2. i 16. Zakona o Vijeću ministara Bosne i Hercegovine i ministarstvima Bosne i Hercegovine ("Službeni glasnik BiH", broj 4/97), na prijedlog Ministarstva vanjske trgovine i ekonomskih odnosa, Vijeće ministara Bosne i Hercegovine na 59. sastanku održanom 10. septembra 1998. godine, donijelo je

UPUTSTVO**O EVIDENTIRANJU IZVRŠENOG
KOMPENZACIONOG POSLA**

1. Ovim uputstvom uređuje se evidentiranje izvršenih kompenzacionih poslova.

2. Preduzeće i drugo pravno lice registrirano za obavljanje vanjskotrgovinskog prometa (u daljem tekstu: preduzeće) može zaključiti ugovor o izvozu robe i usluga koje će naplatiti uvozom robe ili usluga (kompenzacioni posao).

3. Preduzeće je dužno evidentirati izvršene kompenzacione poslove sa inozemstvom kod Ministarstva trgovine Entiteta, u roku od 15 dana od dana izvršenja odredbi ugovora kompenzacionih poslova sa inozemstvom.

4. Za evidentiranje izvršenih odredbi ugovora kompenzacionih poslova sa inozemstvom, preduzeće je dužno Ministarstvu trgovine Entiteta dostaviti:

- naziv (naimenovanje) robe, odnosno usluge koja se izvozi i uvozi;
- tarifnu oznaku robe koja se izvozi i uvozi;
- vrijednost robe, odnosno usluge koja se izvozi i uvozi u stranoj valuti proračunatu u DEM, prema važećem kursu Centralne banke Bosne i Hercegovine.

5. Ministarstva trgovine entiteta obavezna su dostaviti podatke iz tačke 4. ovog uputstva Ministarstvu vanjske trgovine i ekonomskih odnosa do desetog dana tekućeg mjeseca za prethodni mjesec.

Podaci iz prethodnog stava bit će korišteni u analitičke svrhe, za praćenje realizacije vanjskotrgovinske politike. Polugodišnje i godišnje rezultate analiza Ministarstvo vanjske trgovine i ekonomskih odnosa dostavljaće Vijeću ministara Bosne i Hercegovine, ministarstvima trgovine entiteta i Centralnoj banci Bosne i Hercegovine.

6. Danom stupanja na snagu ovog uputstva prestaju da važe dosadašnji propisi o obavljanju i evidentiranju kompenzacionih poslova u Bosni i Hercegovini.

7. Ovo uputstvo stupa na snagu narednog dana od dana objavljivanja u "Službenom glasniku BiH" a objavit će se i u službenim glasilima entiteta.

V. M. broj 47/98

10. septembra 1998. godine

Sarajevo

Kopredsjednik
dr **Haris Silajdžić**, s. r.

Kopredsjednik
Boro Bosić, s. r.

Dopredsjednik
Neven Tomić, s. r.

115

Na osnovu člana 6. Zakona o pečatu institucija Bosne i Hercegovine ("Službeni glasnik BiH", broj 12/98), ministar civilnih poslova i komunikacija, u saglasnosti sa zamjenicima ministara, donosi